

Mala'ayamay a malikakaay

Itiya ho ira ko cecay mararamoday, tatosa ko fa'inayayan a wawa, ci ngangay ato ci toroy. Ira ko cecay a romi'ad, mi'adop ko wama, keriden no wina ko wawa a tatosa a mikorkor to tali. Tahira i omah, tatangic sa ko safa, o fafaen no kaka a midadimaw ko safa, oya:ho ko pitatangi no safa.

Papipacocoen no kaka ko wina to safa.

Maharek mikorkor to tali nga' pacocoen no mako sa ko wina. Fafaen haca no kaka a misarakarakat a midadimaw ko safa. Maharek mikorkor ko wina to tali, tangsol mitangtang to tali, longocen ho no kaka ko wina a papipacoco to safa. Sowel sa ko wina; Ano sawni to! sa, o kaka han aitira sa mitatala. O wina han, komaen to maecakay to a tali a teked sa i talo'an a komaen, felet han nira ko tolak no tali pasayra i wawa. Oya kaka i, podpod han nira ko tolak no tali, kiskisen nira ko heci a tolak no tali, sapakaen to safa. O wina i, hiday han to nira ko wawa a mitakaw minokay. Pakayni tona pinangan no wina to pifalah to wawa i, rarom sa ko faloco' nora kaka a minengneng. Saharaterateng sa, la'ayam sa a maefer tayra i kakarayan ko nga'ayay.

Itiya cicih han nira i tireng ko riko', itiya lipoten nira ko macicihay a

riko' i tireng. O telec ato safafa nira i, kalitosaen nira a miso'ot i kamay malo sapikpik. Ikolto i, mala'ayam to ko tatirengan nira, ci toroy i mala 'ayaman to. O safa ci ngangay mala 'ayaman to.

Pisakalafian tahaloma' to ko wama, sowalen tona tatosa a malikakaay mala'ayamay to, tangic sa pasowal, o mifalahan no wina a wawa kami sa. Maharek a somowal i, efer sato pasayra i tokos. Itiya ilil sa maketer koya wama, micomod to i loma'. Ya wina i, namifadisaway to nanom. Oya keter no wama, a:la han nira koya mirokrokay a fadisaw pasayra i tireng no wina a micefos. “ Kis kis kis ” sato koya wina micaceli' a milalekal, mimokmok pasayra to i dihif. Lekal sa a mikapo'i toya wama, eminen no mako ko kakaenen no miso, ngicngicen no mako ko riko' iso sa, Itiya mala'edoay koya wina. O ma'anofay, misafaya'ay, awaay ko damsabay a faloco' konini a wina, ikor to , mala'edo, ma'araw ho lepelen to no tamdamdaw a miseti'. Oya awaay ko kadihekoan noya malikakay i, cowa katango'olen to 'orip no tamdaw, o kala'ayam to ko nga'ayay a misa'oca'ocay a maefer ko nga'ayay sato ko harateng nagra.

變成鳥的兄弟

一天，母親帶著兩個兒子去挖芋頭，當弟弟因為飢餓而哭泣時，母親沒有馬上餵奶，而是煮芋頭並將皮丟給兒子。哥哥把剩下的芋頭餵弟弟。母親後來悄悄回家，留下小孩在田裡。哥哥傷心決定變成鳥飛到天上，弟弟也變成鳥。

父親回家後，兩隻鳥告訴他被遺棄的事，父親憤怒地將開水潑向妻子，妻子慘叫變成老鼠，對家庭的背叛付出了代價。故事表達了失去愛與關懷的人，像老鼠般被遺棄，而兄弟之間的情誼則能讓他們自由飛翔，逃脫困境。